

ՄԿՐՏԻՉ ՊԵՇԻԿԹԱՇԼՅԱՆ

(Մահվան 100-ամյակի առթիվ)

Վ. Հ. ՍԱՖԱՐՅԱՆ

Հայկական կլասիցիզմից ռոմանտիզմին անցման շրջանում Մկրտիչ Պեշիկթաշլյանը դարձավ ոչ միայն ռոմանտիզմի ականավոր ներկայացուցիչներից մեկը, այլև նոր ժամանակների բանաստեղծական հոսանքի իսկական արտահայտիչը: Եվ միայն գրական ու հասարակական այդ արժանիքներն էին, որոնք հնարավորություն են տվել ժամանակի նշանավոր դեմքերից մեկին՝ Մ. Մամուրյանին, դեռևս 1866 թ. «Թուրքիո հայոց Պերանժե» անվանելու բանաստեղծ-գործչին: Պեշիկթաշլյանի գրական-հասարակական գործի այսպիսի գնահատականը վկայում է, թե որքան ականառու են եղել նորի լինելությանն ու հաղթանակին նրա մատուցած ծառայությունները, որ ժամանակակիցները նրա կատարածի համարժեքը որոնել են հայկյանքի (գրական, հասարակական) սահմաններից դուրս: Ռեստավրացիայի ու ֆեոդալիզմի մեծագույն հակառակորդի, հանրապետական պոետի՝ Բերանժեի հետ համեմատելը ունեցել է միայն մի նպատակ՝ ցույց տալ Պեշիկթաշլյանի հասարակական ու գրական գործի արժեքը: Այսպես էր ընկալվում ու գնահատվում Պեշիկթաշլյանը դեռևս իր կենդանության օրերին: Հետագա տասնամյակների ընթացքում Պեշիկթաշլյանի երգն ու գործը նորոգվելով՝ մասնակցեցին հայ գրական-հասարակական շարժման շրջափուլերին, ամեն անգամ մի նոր կողմից նպաստելով գրական-հասարակական կյանքի աշխուժացմանը: 1880—1900 թթ. նրա մի շարք ստեղծագործություններ թարգմանվեցին օտար լեզուներով (գերմաներեն, անգլերեն, ռուսերեն, իտալերեն), մոտ ու հարազատ հնչեցին նաև այդ լեզուներով ընթերցողներին:

* * *

Մկրտիչ Պեշիկթաշլյանը ծնվել է 1828 թ. Կ. Պոլսի Օրթագյուղ թաղամասում: Մինաս Զերադի վկայությամբ, նրա հայրը՝ դերձակ Ռափայել Պեշիկթաշլյանը, մեկն է եղել այն 12000 հայերից, որոնք 1827 թ. սուլթանը աքսորեց Փոքր Ասիայի խորքերը: Ծնողների մահից հետո Մ. Պեշիկթաշլյանը շուտով կորցնում է իր խորթ, բայց անսահման բարի մորը և քույրերին, մնալով մեն-



մենակ աշխարհի հետ: Նախնական կրթությունը ստանում է Կ. Պոլսի մխիթարյան վարժարաններում մինչև 1839 թ.: 1839—1845 թթ. նա սովորում է Պադուայի (Իտալիա) Մուրադյան վարժարանում, որը նրա համար մեծ նշանակություն է ունեցել: Այդ դպրոցը ելնում էր եվրոպական նոր մանկավարժության տեսական ու գործնական գրույթների և ակնհայտորեն տարբեր էր մինչև այդ եղած հայ դպրոցից: Բացի այդ, Պադուայում նրա սովորելու տարիները համընկան իտալական ժողովրդի ազատագրական պայքարի բուռն վերելքի շրջանին: Իտալիայում ուսանած հայ մտավորական սերնդի և հատկապես Պեշիկթաշլյանի համար այդ հանգամանքը ունեցավ բախտորոշ նշանակություն: Այսպիսի պայմաններում ուսում առած և կազմավորված երիտասարդը երբ 1845 թ. վերջերին իտալիայից Կ. Պոլիս է վերադառնում, այստեղ արդեն գործունեության լայն ասպարեզ կար. Սերբիայի և Հունաստանի անկախությունն ստանալը, բուլղարների ապստամբական շարժումները և «Թանդիմաթի» երևան գալը նպաստավոր հող էին ստեղծում հասարակական կյանքի աշխուժացման համար:

1846 թ. սկսվում է Պեշիկթաշլյանի հասարակական գործունեությունը և տևում մինչև կյանքի վերջին օրերը: 1846 թ. Կ. Պոլսում Մ. Պեշիկթաշլյանի նախաձեռնությամբ և ակտիվ մասնակցությամբ հիմնադրվում է «Համազգյաց ընկերությունը»: Նա եղել է նաև «Համազգյաց ընկերության» գաղափարական ղեկավարներից մեկը: Ավելի քան հինգ տարի «Համազգյացի» շուրջը ծավալված պայքարը առիթ ու դրդապատճառ է դարձել Պեշիկթաշլյանի՝ տարբեր ժամանակների 6 ստեղծագործությունների երևան գալուն: Երկու ճառ՝ «Խօսեցեալ ի կաճառս ընկերութեանն Համազգեաց», «Ի նորակերտ ժողովարանն Համազգեաց խօսեցեալ», մի ձոն ընկերության տարելիցի առթիվ դրած՝ «Ողջուն քեզ, ով հրաշակերտ տաճար վեհին իմաստության», ընկերության հակառակորդներին մերկացնող երկու երգիծական չափածո գործ՝ «Հանելուկ», «Մխիթարյան եմք աշակերտ» և վերջապես «Համազգյացի» պայքարի անմիջական շարունակությունը հանդիսացող «Կոռնակ» դրաման,— ահա այն վկաները, որ Պեշիկթաշլյանի անվան հետ են կապում «Համազգյացը»: Բոկ ընկերության նախնական հավաքներից առաջինում արտասանած նրա ճառը (գուցե և հանպատրաստից) դարձել է նույն ընկերության հետագայում ձևավորված ծրագրի ու գործելակերպի առանցքը:

«Համազգյացը» շատ հաճախ ներկայացվել է սոսկ որպես պոլսահայ կրոնա-դավանաբանական վեճերի հաշտեցման օջախ: Սակայն ըստ էության այն եղել է «նորաթուխ» հայ բուրժուազիայի գաղափարախոսների կազմակերպություն, իսկ նրա շուրջ ծավալված պայքարը բուրժուականացող հասարակախոսների ու ավատականության միջև եղած առաջին լուրջ ընդհարումներից մեկի արտահայտությունն է մեղանում անցյալ դարի 40-ական թթ.: Ընկերության ծրագիրը, որը ամփոփված է 10 կետերի մեջ, առաջին հայացքից լուսավորական նպատակներ է ենթադրում, որը սակայն չի խանգարում, որպեսզի «Համազգյացը» լինի հայ բուրժուազիայի գաղափարախոսների առաջին լուրջ կազմակերպությունը, իսկ նրա գաղափարական ղեկավարը՝ պոլսահայ հասարակական-առաջադիմական շարժումների առաջնորդներից մեկը: Պեշիկթաշլյանի հասարակական գործունեության առաջին շրջանը՝ 1846—1852 թթ., ամբողջուն լցված ու հագեցված է «Համազգյացով»: Ընկերության ծրագրում առաջադրված մի շարք կետեր հետագայում դառնում են այլ ընկերությունների

ու կաղամակերպությունների առաջացման խթան ու շարժառիթ, որոնցից մեկի՝ «Թանգարան վերծանության» հիմնադրմանը իր ակտիվ մասնակցությունն է ունեցել Պեշիկթաշլյանը:

1850-ական թթ. ընթացքում Պեշիկթաշլյանի գործունեությունը առավել բաղադրական է դառնում: 1856 թ. վերջերին մի խումբ մտավորականների գլուխ անդած նա Կ. Պոլսում հիմնադրում է պոլսահայ պրոֆեսիոնալ թատրոնը, դառնալով նոր թատերական շարժման խրախուսողն ու ղեկավարը: Եվ հայ թատրոնի ու թատերգության պատմագրությունը, իրավամբ, մեր նոր թատրոնի սկիզբն է համարում Պեշիկթաշլյանի հիմնադրած թատրոնը: Այն դրամաները, որոնցով հենց սկզբից Մ. Պեշիկթաշլյանը ներկայացել է պոլսահայ հանդիսականին, եղել են իր «Կոռնակը», Վոլտերի «Կեսարի մահը» և Ալֆիերիի «Սավադը»: Իսկ սա ցույց է տալիս, որ հայ նոր թատրոնին նվիրվելուց կամ այն ստեղծելուց առաջ Պեշիկթաշլյանը տեսականորեն և գործնականապես պատրաստված է եղել դրան: Թատերական գործին անցնելը նրա երկար մտահոգության արդյունք է եղել և ոչ թե հանկարծակի ոգևորության հետևանք, ինչպես նշվել է հաճախ:

Հայ հասարակական կյանքին Պեշիկթաշլյանը մասնակցում էր ոչ միայն որպես գործիչ, այլ նաև որպես ստեղծագործող, թատերգու: Նրա գրական գործը ամենայն իրավամբ տրամաբանական շարունակությունն է իր հասարակական գործունեության, հասարակական հետաքրքրությունների արտահայտությունը:

Պեշիկթաշլյանի դրամաները՝ ինքնուրույն և թարգմանական (թվով ինը) առաջուր մնում են իբրև անցյալ դարի 50-ական թթ. մեր թատերգության լավագույն օրինակները, որոնցով և սկսվում է հայ նոր թատերգության պատմությունը: 1850 թ. սկզբին գրելով «Կոռնակ» դրաման, որի առաջին բեմադրությունը մեծ խանդավառություն առաջացրեց պոլսահայ մտավորականության շրջանում, Պեշիկթաշլյանը արդեն շատ որոշակիորեն ցույց տվեց նոր թատերգության գեղագիտական և հասարակական հետաքրքրությունները: Այդ դրամայով, ինչպես նաև մյուս գործերով, չնայած կլասիցիզմի տարրերի առկայության, Պեշիկթաշլյանը ավելի որոշակի է ներկայացնում դրականության և իրականության փոխհարաբերության հարցը, մեկը մյուսին ծառայեցնելու խնդիրը: Պեշիկթաշլյանի առաջին իսկ դրաման՝ «Կոռնակը», որը հայ նոր թատերգության առաջնեկն է, արդեն որոշակի դարձրեց Մխիթարյանների կլասիցիստական թատերգության հնօրյա ու հնացած լինելը, թեև գրության սկզբունքներով հարադատություն ունեն մխիթարյան կլասիցիզմի նշանավոր դեմքի ու տեսաբանի՝ Պետրոս Մինասյանի «սոսրով Մեծ» ողբերգության հետ: Պեշիկթաշլյանը «Կոռնակում» և իր մյուս դրամաներում, չնայած դրանց պատմական բնույթին, ոչ միայն արծարծում էր առօրյա հարցեր ու խնդիրներ, առավել ևս ժամանակի հուզող պահանջները, այլև հստակ դարձնում պատմությունը ժամանակի հարցերի տեսանկյունից օգտագործելու խնդիրը: Եթե հենքի (Ջախջախյան, Պ. Մինասյան), Ա. Հեթիմյանի, և ժամանակակիցներից շատերի համար պատմությունը, պատմական թեման նպատակ էր, Պեշիկթաշլյանի համար պատմության նյութը, պատմական անունները դարձան միջոցներ, որոնց օգնությամբ ավելի դյուրին էր օրվա հրատապ հարցը հանդիսականին հասցնելը:

Պեշիկթաշլյանը հայ իրականության մեջ առաջինն էր, որ պատմությանը ազատ մոտենում ըուցաբերեց: Այս հանգամանքը ունեն գեղագիտական ու հա-

ստորակական հիմնավորում ու շարժառիթ և ըստ էության ոռոմանտիկական գեղագիտության անկյունաքարերից մեկն էր նաև։ Այդպիսի սկզբունքով էլ նա ստեղծել «Կոռնակ», «Արշակ», «Վահե», «Վահան» պատմական դրամաները։ Այդպիսի ազատ միտումով նա թարգմանում-փոխադրում էր իտալական և ֆրանսիական գրականության լավագույն օրինակները՝ Վիտորիո Ալֆիերիի «Սալուզ», «Բրուտոս Ա», Վոլտերի «Կեսարի մահը» դրամաները։ Դրանք սովորական թարգմանություններ չէին այժմյան հասկացողությամբ, այլ լուրատեսակ Բարգմանություն-փոխադրությունների ինքնատիպ օրինակներ, որոնք շատ ակտիվաշեն ազդում էին հայ գրական-հասարակական կյանքի վրա և ավելի շատ խթանեցին թատերական կյանքի ստեղծմանը։ Բան ժամանակի երկրորդական գրողների ինքնուրույն և թարգմանական սյիեսները։ Բացի դրամաներից, Պեշիկթաշլյանի գրչին ևն պատկանում նաև երկու կատակերգություններ («Կատակերգութիւն երէց քաջաց», «Կատակերգութիւն ավազակաց»), որոնք իրենց կենցաղային ու սոցիալական արժանիքներից զատ հետաքրքիր են որպես հայ առաջին երաժշտական կատակերգության օրինակներ և բրոնցով Պեշիկթաշլյանը հիշյալ ժանրի մեջ էլ առաջնության իրավունք է նվաճել։

Պեշիկթաշլյանի հասարակական և գրական գործունեության կարևոր սուս-պարեզներից մեկն էլ մանկավարժությունն է, ուր նույնպես փայլատակեց (առանց դադարի) Պեշիկթաշլյանի բազմաշող հոգու բոցը։ Պեշիկթաշլյանը մանկավարժությամբ զբաղվել է շուրջ քսան տարի։ Եվ, ինչպես նկատել է Ա. Զոսիանը, նա իր մանկավարժությամբ բարձրացրել է ուսուցչի և մտավորականի դիրքը հայոց մեջ։ Երկար տարիներ հայրեն և ֆրանսերեն է դասավանդել Կ. Պոլսի Լուսավորչան, Թարգմանչաց, Հոփսիմյանց վարժարաններում, ինչպես նաև մի շարք մեծահարուստ ընտանիքներում։ Նրա մանկավարժական գործունեության արդասիրներից մեկն էլ այն է, որ հայերենից ու հայկական իրականությունից կտրված Սբրուհի Տյուսաբը իր ուսուցչի ազդեցությամբ դարձավ արևմտահայ գրականության նշանավոր դեմքերից մեկը։

Պեշիկթաշլյան-մանկավարժը նոր նպատակ ու խնդիրներ է առաջադրել հայ դպրոցին։ Մանկավարժությունը նրա համար եղել է համալցային առաջադիմական շարժման կարևոր օղակներից մեկը։ Միայն դրանով կարելի է լինում լացատրել ու հասկանալ այն սերն ու նվիրվածությունը, որ նա ցուցաբերել է դպրոցի և մանկավարժության նկատմամբ։ Ուսուցչություն է արել՝ ելնելով դարի առաջադիմական գաղափարներից և այն տեսական հարցադրումներից, որ առաջ էր քաշում դարձնելի մտավորական սերունդը (Հիսարյան, Զորայան և ուրիշներ)։ Պեշիկթաշլյանի բարոյական մարդկային չքնաղ ձիրքերը, դուժարվելով նոր դպրոցի տեսական գրույթներին ու նորույթներին, ակնառու արդյունքներ են տվել հայ մանկավարժության պատմության մեջ։

Պեշիկթաշլյան-երաժիշտը ևս իրավամբ տեղ ուիտի ունենա հայ նոր երգի ու երաժշտության պատմության մեջ։ Իտալիայից նոր-նոր Կ. Պոլիս վերադարձած գերծիշը զգաց հայ աղջային երգի պակասը և այդ ուղղությամբ կատարեց նշանակալի աշխատանքներ։ Արագորեն կազմավորվող հայ քաղաքային կյանքին ու դարձնելի սերնդին այլևս չէին բավարարում աշուղական տաղերը, շարքիներն ու մանիները։ Որպես ազգ ձևավորվող ժողովրդին նոր երգ էր պետք։ Հայ երգն ու երաժշտությունը 1850—1860-ական թթ. լուրջ բեկում ու տեղաշարժ ապրեցին։ Այդ ուղղությամբ երաժիշտներից բացի մեծ դեր էին կատարում նաև բանաստեղծներն ու հասարակական գործիչները։ 1856 թ. լույս տես-

սավ Ռ. Պատկանյանի «Ազգային երգարան հայոց» ժողովածուն, որո նպատակ ունեն նպաստել հայ նոր երգի առաջացմանը: Այդ ժողովածուն անմիջապես արժանացավ Ս. Նալբանդյանի ուշադրությանը և բարձր գնահատականին: Մեծ հեղափոխական-դեմոկրատը այդտեղ գտավ շատ երգեր, որոնք «հայոց հոգվո և սրտի պահանջները» բավարարող և ժամանակակից երգեր էին, որոնց շնորհիվ այդ երգարանը Նալբանդյանը կոչեց «մի օրինավոր հայոց երգարան»: Հայ երգին առաջադրվող պահանջները կատարելու համար Պեշիկթաշլյանը գրում և հորինում է բազմաթիվ երգեր: Այդ ուղղությամբ կատարած քայլերից մեկն է 1849 թ. Ղ. Ալիշանի «Բաժմ-փորոտան» երգի համար երաժշտություն հորինելը, իհարկե ոչ այն, որը այսօր երգվում է: Պեշիկթաշլյանը ակտիվորեն մասնակցել է 1862 թ. Կ. Պոլսում հիմնադրված «Երաժշտական ընկերության» և երաժշտական ամսագրերի աշխատանքներին, ընկերության անդամների՝ Տիգրան Զուխաչյանի և Գաբրիել Երանյանի հետ միասին: Բացի այն, որ գրում ու հորինում էր երգեր, որոնք հաճախ խմբագրվում էին Պոլսի նշանավոր երաժիշտների կողմից, նա իր պիեսների բեմադրության ժամանակ օգտագործում էր Վերդիի, Դոնիցետտիի ստեղծագործություններից: Պեշիկթաշլյանի մի շարք բանաստեղծությունների ձայնագրությունները («Գարուն», «Եղբայր եմք մեք», «Մահ քաջորդվույն») ոչ միայն մեծ դեր կատարեցին հայ նոր երգի զարգացման ճանապարհին, այլև այսօր էլ մնում են մեր լավագույն երգերի ցանկում:

Պեշիկթաշլյանի հասարակական գործունեության էջերից է 1858 թ. վերջերին Մուրադյան-Ռափայելյան վարժարանների նախկին սաների միության ստեղծումը: Ընկերությունը եղել է «Համազգյացի» հետևորդ մի հաստատություն կամ նրա հեռավոր արձագանքներից մեկը: Ընկերության ոգին ու գլխավոր դեմքը Մ. Պեշիկթաշլյանն էր, որի մահից հետո շուտով դադարել է ընկերությունը: Պեշիկթաշլյանը ակտիվորեն մասնակցել և ղեկավար Կ. Պոլսում հիմնադրված «Անձնվեր ընկերության» աշխատանքներին, որոնց նպատակն էր ձրի ուսում և գրագիտություն տալ Պոլսում եղած գավառահայ պանդուխտներին: 1862 թ. Զեյթունի նշանավոր ապստամբության ժամանակ ընկերությունը փոխեց իր ծրագիրը և նրա միակ նպատակն էր օգնել հերոս լեռնականներին:

Պեշիկթաշլյանի նվիրվածությունը հայ ազգային-ազատագրական շարժմանը առավել ամբողջությամբ դրսևորվում է 1860-ական թթ.: Այդ տարիների պոլսոհայ կյանքի ամենաակնառու երևույթներից մեկը եղել է «Բարեգործական ընկերությունը», որը հիմնադրվել է 1860 թ. սեպտեմբերին: «Բարեգործականի» հետ լուրջ հույսեր էր կապում, օգնում նրա աշխատանքներին Միքայել Նալբանդյանը: «Բարեգործականի» մի թևը՝ նորատունկյան, Մերենց, Թագվորյան, Պեշիկթաշլյան, լրջորեն մտահոգված է եղել Զեյթունի, Կիլիկիայի հարցով և 1862 թ. դեպքերից շատ առաջ գործնական կապեր է ունեցել ղեկավարների հետ:

Այսպիսով, եթե Պեշիկթաշլյանի հասարակական գործունեությունը սկզբնական շրջանում սկսվում է լուսավորական միտումով, ապա հաջորդ շրջանում նա արդեն ազգային-ազատագրական պայքարի առաջագծում է, այդ պայքարի նշանավոր դեմքերի շարքում:

Պեշիկթաշլյանի հասարակական գործն ունեցել է նաև անկատար բաժիններ, որոնք ինչ-ինչ պատճառներով մնացել են ծրագիր ու նպատակ միայն: Այդ անկատար հղացումներից մեկը սեփական պարբերականի հրատարակությունն

է. Նա Ս. Հեքիմյանի և Կ. Գարագաշյանի հետ ծրագրել է «Հույս» անունով լրագրի հրատարակման գործը, որը ցավոք չի իրագործվել:

* * *

Այս ամենով հանդերձ, Պեշիկթաշլյանը առաջին հերթին բանաստեղծ էր, ամենաթրթռուն հոգին՝ անցյալ դարի 50—60-ական թթ. հայ բանաստեղծության անդաստանում: Պեշիկթաշլյան բանաստեղծն է, որը բարձրանում է և ստվերում ժամանակի չափածոյից շատ բան:

Պեշիկթաշլյանի բանաստեղծական վաստակը ունի չորս փուլ: Իրանցից տաղերն 1845—1850 թթ. շրջանն է, երբ մխիթարյան ղարոցներում բանաստեղծական նախափորձեր անող Պեշիկթաշլյանը ամբողջովին իր վարդապետ ուսուցիչների ազդեցությամբ գրում է երգեր: ցույց տալիս մխիթարյան պոեզիայի նյութի և պոետիկայի փայլուն իմացություն («Նուագ ի մահն Յիսուսի», «Ի նահատակութիւն Վարդանանց», «Բացան դրունք նոր տարւոյս», «Յոնտրութիւն Վ. Հ. Գէորգոյ վարդապետի արբայ Մխիթարեան ուխտին»): Այնուհետև նույն տարիներին ունենում է որոնումներ, անբավարարվածություն, որից նրան ելք պիտի նախանշի Ղ. Ալիշանի «Երգք նահապետի» շաբբը: Որոնումները վերջանում են 1850 թ. շեմին:

1850-ական թթ. ընթացքում Պեշիկթաշլյանը ստեղծում է այդ տասնամյակի հայ պոեզիայի ընտիր էջերը՝ «Եղբայր եմք մեք», «Գարուն» բանաստեղծությունները, որոնք մի նոր որս էին հայ պոեզիայի պատմության մեջ: «Եղբայր եմք մեք» հիմնով Պեշիկթաշլյանը պատմության հեռավոր ու մոտավոր քառույցիներում երկար ժամանակ թափառած հայ մուսային, որը տակավին հին-հին դարուց հիշատակներ էր որոնում Հրազդանի, Արաքսի կամ Վանա ծովակի ափերին, կոչում էր գործնական հայրենասիրության, հայրենաշեն գործի:

Տո՛ւր ինձ քու ձեռքդ, եղբա՛յր եմք մեք,

Ու մերբեկավ ի՞նքն զատված:

Բաղդին ամեն ոխ զանաճեց

Ի մի համբուր ցրվին ի բաց:

Ընդ առտեղով ի՞նչ կա սիրուն

Քան զանձկալի եղբայր անուն:

Այս իրոք, մի նոր որակ էր ոչ միայն հասարակական, այլև գեղագիտական առումով:

«Գարուն» բանաստեղծությամբ Պեշիկթաշլյանը պատմողական, արտաքին նկարագրական հայրենասիրությունը դարձրեց մարդկային կյանքի իմաստ: Այստեղ հայրենասիրությունն արդեն այն խոսքը չէ, որը առում էին բոլորը, հաճախ սովորույթի ուժով: Գեղարվեստական առումով նրա խոսքը ունի նոր կշիռ ու արժեք, այն գալիս է հոգու խորքերից: Այստեղ շատ ավելի հուզաթաթավ է մարդկային կյանքի, ապրումի հայրենասիրական իմաստն ու էությունը:

Թեպետ քոչնիկն ու հովն հալոց

Ավերակաց շրջին վերա,

Թեպետ պղտուր վրտակն հալոց

Նոհիներու մեջ կ'սողա,—

Նոբա հառաչք եմ հայրենյաց,
Նոբա շերքան սրտես ի բաց:

Սա նոր ժամանակների գեղարվեստական, քնարական դրաման էր և Պեշկեթյանի ու իր սերնդի հավատամքը, ասլուլու և լինելու իմաստը։ Պեշկեթյանի համար կյանքի էություն ու նպատակ է եղել գործուն հայրենասիրությունը, հայրենանույն կյանքը, որի շարժառիթն ու դրդապատճառն է հայրենիքի անապատ վիճակը։

Զեյթունյան տարիներին (1860—1863 թթ.) Պեշկեթյանը ստեղծում է նոր ժամանակների հայ հերոսերգության լավագույն օրինակներ («Հայ քաջորդին», «Մահ քաջորդուն», «Թաղումն քաջորդուն», «Հայ քաջուհին»)։ Հյուսիսի «Տղան» («Թուրքերն անցան այս տեղով») բանաստեղծությունից ներշնչվելով, Պեշկեթյանը փոխադրում է այն և ստեղծում նրան համարժեք այնպիսի մի գործ, որը և՛ որպես թաղամանություն, և՛ որպես ինքնուրույն ստեղծագործություն պատիվ է բերում հայ հեղինակին։ Զեյթունյան երգաշարով Պեշկեթյանի մոտ բացահայտվում է նրա բազմաշող հոգու մի կողմը ևս՝ հերոսական նկարագիրը։ Այդ շարքը ցույց է տալիս, որ այնչափ էլ անխռով հոգի չի եղել Պեշկեթյանը, և իդուր են նրան մեր բանաստեղծներն ու բանասերները ներկայացրել որպես մի հեղ ու աղավաղաբարո մարդ՝ զուրկ հերոսական գծերից։ Հայ մահամերձ պատանու խոսքը մոտ է նոր ժամանակների հերոսերգության լավագույն օրինակն էր, որը հեղինակի վարպետության շնորհիվ ընթերցողին ներկայացավ հերոսականի և քնարականի շաղախով։ Այդ շարքով Պեշկեթյանը ստեղծեց Զեյթունի հերոսական անցուղարձերին նվիրված, գաղափարական և գեղագիտական առումով հիանալի գործեր հայ գրականության պատմության մեջ։

Հայ նոր պոեզիայի պատմության մեջ մի նոր էջ էր 1863—68 թթ. Պեշկեթյանի ստեղծած բանաստեղծությունների շարքը, որոնց շնորհիվ հալոսման տիպական քնարերգությունը ձեռք է բերում իսկական գեղարվեստական նկարագիր։ Այս շարքը մեկանում ներկայացվել է որպես կենսագրական, անձնական դիպվածի արտահայտություն, որով և քնարական հերոսի ապրումները զրկվել են հասարակական հիմքից ու դրդապատճառից։ Եթե այդ երգերը միայն տնտեսական սիրավեպի և կյանքի վերջին շրջանում տաստկացող հիվանդության հետևանք լինեին, հաղիվ թե կարողանային այնքան ամբողջությամբ ներկայացնել մի ողջ սերնդի այն մեծագույն տվյալանքները, որոնք նա ապրեց հուսալքում և նահանջի տարիներին։

Հայտնի է, որ 1860-ական թթ. հայ ժողովրդի երկու հատվածի համար էլ սկսվեց տեղատվության մի շրջան։ Արևմտահայ մտավորականությունը, որն այնքան ոգևորված էր ազգային սահմանադրության պատրանքով, Զեյթունի հերոսական անցուղարձերով և Կիլիկիան անկախ ազգային մարդ տեսնելու հույսերով, հուսախաբ եղավ։ Իսկ Պեշկեթյան գործիչն ու բանաստեղծը այդ շարժման առաջին գծում էր միշտ, այդ շարժման արտահայտիչը։ Մ. Նալբանդյանի ձեռքակալումը հայ ազատագրական շարժումը զրկել էր լավագույն ղեկավարից, լուեց Ս. Շահապիդի քնարը, իր գործերը Պետերբուրգում ավարտած համարելով գավառական քաղաք՝ Ն. Նախիջևան վերադարձավ Ռ. Պատկանյանը, որի քնարը մի ժամանակ նույնպես դադարեց։ Նույնպիսի մոռյլ տիրեց և պոետահայ կյանքում. այդ են վկայում Մ. Մամուրյանի «Հայկական նամականի»

Հրապարակախոսական երկի շատուշատ էջեր, Գր. Օտյանի նամակները և այլն։ Ահա այս տեղատվության արտահայտությունը, քնարական ձևակերպությունն էն Պեշիկթաշլյանի վերջին շրջանի հուսահատական երգերը։

Պեշիկթաշլյանը, ի տարբերություն նախորդների ու ժամանակակիցների, իր քնարական բանաստեղծությունից դուրս վանեց պատմողական տարրը, խոսել սկսեց անհատի անունից, նրա հոգուց ու սրտից, ներկայացրեց ազդային դրաման անհատի միջոցով՝ բարձր բանաստեղծականությամբ։ Օրենն ու ժամանակը, որոնք հարց ու պատասխանի միջոցով էին բացահայտված այլ բանաստեղծների գործերում, Պեշիկթաշլյանը ցուցադրեց խոր ու բյուրեղյա ապրումների տեսքով, ապրումներ, որոնց հիմքում ցոլանում էր ժամանակը։ Հասարակական վիշտը բարձր բանաստեղծական հնարներով նա արտացոլեց անձնական ապրումների տեսքով։ Նրա քնարական խոսքը որոշակիորեն սահմանազատվեց ժամանակի քիչ թե՛ շատ զգացմունքային տարրեր պարունակող, սենտիմենտալիզմի հովերով գրված սիրերգություններից։

Իր ողջ բանաստեղծական վաստակով և հատկապես վերջին շրջանի երգերով Պեշիկթաշլյանը հայ պոեզիայի մեջ հայտնաբերեց մի նոր քնարական ընկալում և դարձավ այդ ժանրի ռահվիրան մեղանում։